

Bosna i Hercegovina
FEDERACIJA BOSNE I HERCEGOVINE
V L A D A
Ured za saradnju i zastupanje pred
Ustavnim sudom Bosne i Hercegovine
S A R A J E V O

Bosnia and Herzegovina
FEDERATION OF BOSNIA AND HERZEGOVINA
G O V E R N M E N T
Office for Cooperation and Representation before
the Constitutional court of Bosnia and Herzegovina
S A R A J E V O

Broj: 02-2-04-245/21
Sarajevo, 23.11.2021. godine

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

PARLAMENT FEDERACIJE
BOSNE I HERCEGOVINE
-DOM NARODA-
n/r gosp. Izmir Hadživdić, sekretar

Primljeno: 26-11-2021			
Org. jed.	Broj	Priloga	Vrijednost
05/2	-02-	431 421	1/21

Predmet: Delegatsko pitanje - Odgovor dostavlja se

Poštovani,

Sekretar Vlade Federacije BiH ovome Uredu dostavio je delegatsko pitanje koje je na 14. sjednici Doma naroda Parlamenta Federacije Bosne i Hercegovine, održanoj 04.11.2021. godine postavio delegat Damir Džeba, radi odgovora u skladu sa nadležnostima.

Delegat u Domu naroda Parlamenta Federacije Damir Džeba postavio je delegatsko pitanje predsjedniku Vlade Federacije BiH gosp. Fadilu Novaliću, a koje glasi:

„Što je učinjeno i što je on poduzeo kako bi se provela Odluka Ustavnog suda BiH broj: U-4/04 od 31.03.2006. godine, te usaglasio Zakon o grbu i zastavi Federacije BiH sa Ustavom BiH“ ?

U skladu sa nadležnostima, dajemo odgovor na postavljeno delegatsko pitanje kako slijedi:

Ustavni sud BiH Djelimičnom odlukom o meritumu u predmetu broj: U-4/04 od 31. marta 2006. godine, utvrdio je "da član 1. i 2. Zakona o grbu i zastavi Federacije BiH nije u skladu sa članom II/4 Ustava BiH, u vezi sa članom 1.1. i 2.a) i c) Međunarodne konvencije o ukidanju svih oblika diskriminacije"

Parlamentu Federacije Bosne i Hercegovine naloženo je da, najkasnije u roku od šest mjeseci od dana objave Odluke u "Službenom glasniku BiH" usaglasi član 1.i 2. Zakona o grbu i zastavi Federacije BiH.

Sarajevo, Mula Mustafe Bašeskije 6, tel. 650-143, tel/fax. 650-094

U cilju izvršenja Odluke, Vlada Federacije BiH na sjednici održanoj 30.11.2006. godine razmatrala je informaciju Federalnog ministarstva pravde, o izvršavanju

Odluke Ustavnog suda BiH broj: U-4/04, te 13.12.2006. godine – Zastupničkom domu Parlamenta Federacije BiH dostavila je odgovor Vlade Federacije BiH, u kojem se predlaže, da se prethodno okonča postupak utvrđivanja simbola grba i zastave, kako bi Vlada Federacije BiH shodno utvrđenim simbolima mogla ponuditi Prijedlog Zakona o izmjenama i dopunama Zakona o grbu i zastavi Federacije BiH, budući da, prema odredbama člana 1 5.(1) i (2) Ustava Federacije BiH, Federacije BiH ima grb, zastavu, himnu i pečat kao i druge simbole o kojima odlučuje Parlament Federacije BiH.

Ustavni sud BiH 27.1.2007. godine donio Rješenje ("Službeni glasnik BiH" broj 45/07 od 15. juna 2007. godine) kojim se utvrđuje da Parlament Federacije BiH nije izvršio djelimičnu odluku broj: U-4/04 od 31.3.2006. godine u ostavljenom roku. Istim rješenjem Ustavni sud BiH je utvrdio da član 1. i 2. Zakona o grbu i zastavi Federacije BiH („Službene novine Federacije BiH“, br. 21/96 i 26/96) i prestaju važiti narednog dana od dana objavljivanja ove Odluke u „Službenom glasniku Bosne i Hercegovine“.

Povodom Rješenja Ustavnog suda BiH od 27.1.2007. godine Federalno ministarstvo pravde u pismu od 30.1.2007. godine, dalo je stav prema kojem se postupak utvrđivanja simbola mora isključivo provesti u Parlamentu Federacije BiH, te da u procesu utvrđivanja simbola Parlament Federacije BiH treba formirati zajedničku komisiju vodeći računa o odgovarajućoj nacionalnoj i stručnoj zastupljenosti. Nakon okončanja postupka utvrđivanja simbola grba i zastave od strane Parlamenta, Ministarstvo pravde će u skladu sa nadležnostima pristupiti izradi prijedloga Zakona o izmjenama i dopunama Zakona o grbu i zastavi Federacije BiH, te ga proslijediti Vladi Federacije BiH radi upućivanja u parlamentarnu proceduru.

U tom smislu Vlada Federacije BiH je dana 2.2.2007. godine, dostavila Ustavnoj komisiji - Zastupničkog doma Parlamenta Federacije BiH - informaciju o implementaciji Djelimične odluke Ustavnog suda BiH br.U-4/04, u kojoj je između ostalog naveden i stav Vlade Federacije BiH u pogledu načina izvršenja predmetne odluke.

Parlament Federacije BiH formirao je Zajedničku komisiju oba doma Parlamenta Federacije BiH za provedbu cjelokupne procedure izbora likovnog rješenja obilježja simbola Federacije BiH koja je konstituirana na sjednici održanoj 10.10.2007. godine.

Zajednička komisija u septembru 2008. godine, dostavila je Izvještaj o radu Zastupničkom domu i Domu naroda Parlamenta Federacije BiH.